

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

De vsu Exemplorum. Cap. XLIII.

[urn:nbn:de:hbz:466:1-69050](#)

colligant, verè esse diuitem, qui nihil appetit; semper esse pauperem, qui aliquid semper cupit. Utile admodū erit, societas corporis D.N. Iesu Christi, B.Virginis, atq; etiam congregations, quæ appellari solent, charitatis, illis proponere; eosq; hortari ad sanctissimum sacramentum Eucharistie saliem in omnibus solennitatibus sumēdum; ad pueros paterna quadā charitate, communi quodam decreto ad Ecclesiam ducendos, reprehendendos, castigandos etiam, ac si vnius patris omnes essent filij.

De usu Exemplorum.

Cap. XLIII.

CV M exempla plurimū moueāt animos auditōrū; Ecclesiasticus orator, pro etatū et statūs diuersitate, exempla cūm sanctorū, tum etiā sanctorum mulierū sapè adhibebit. quā in re maximā copiā suppeditare poterit vir doctrina & pietate insignis, Aloysius Lipomanus, qui fuit Veronae episcopus: vi si de contemnenda morte habendus sit sermo, martyrum exempla, Stephani, Laurentij, et aliorum quamplurimorū, in medium sunt afferranda, qui alacriter mortē oppetiérunt. Illa diaconi verbā repetenda: Quò sine filio properas pater? et præclarissima quædam verba matris Machabæorum, quæ B. Gregorius Nazianzenus scripsit in quadam oratione: Eugè filij mei, eugè milites strenui, eugè in corporibus ferè incorporei, eugè tutores legis, canaq; senectutis meæ atque ciuitatis, quæ vos aluit, & ad eam virtutis magnitudinē euexit; adhuc paululum, & vicimus; morantur carnifices, hoc vnum perhorresco, paululum adhuc; & ego inter mulieres beata, et vos inter adolescentes, beati: at fortasse

sè matris vos desiderium angit, nequaquā vos deseram,
non tam liberos meos odi. Et paulò post martyrium, facit
matrem loquentem, & Deo gratias agentem, quod par-
tus suos martyrio decorauerit. que verba sine lachrymis
professi nō possunt. Si ad remittendas iniurias excitan-
di erunt auditores, exemplo S. Stephani ut poterit, qui
orauit pro lapidantibus se, optimum magistrum imita-
tus, qui, dum crucifigeretur, nō male dixit, orauit potius
patrem, vt ignosceret eis, quia nesciebant quid facerent.
Ad Christianam liberalitatem, si necesse fuerit commo-
uere sacerdotes; S. Nicolai episcopi, Ioannis Alexandri-
ni, qui dictus est Eleemosynarius, exempla afferri pote-
runt. Sed non minimum ad commouendum valet, vt alio
loco diximus, si domesticis illarū ciuitatum aut locorum,
vbi sermo habetur, exemplis ut amur: vt Mediolani san-
cti Ambrosii, animi constatia, & robur in suo munere ob-
eundo, eiusdem temperantia, ceteraq; virtutes proponi
poterunt: ita etiam alibi aliorum, qui in aliqua ciuitate
insignes sanctitate fuerunt episcopi. In afferendis autem
exemplis, cauendum est, nè sanctorum hominum pecca-
ta & errores sapè commemoremus, vt Davidis adulter-
ium & homicidium, Salomonis incontinentiam, nè au-
ditores inde licentiæ occasionem sumant, & erudiantur
ad excusandas excusationes in peccatis, & existiment
licere sibi impunè errare. Possunt tamen adhiberi, sed
rarò, ad declarandam humanam infirmitatem, atque
ad excitandam spem in hominum animis, peccatorum
conscientia deiectionis. Perrò cum sententiarum magnus sit
us in Ecclesiastica Rhetorica, dicamus, quid sit senten-
tia, & quatenus sententiarum usus commendet oratio-
nem,

nem, & à quibus ea maximè debeant usurpari.

De usu sententiarum.

Cap. XLIV.

SENTENTIA est oratio aliquid enuncians dare
vniuersali, quae sit optanda, aut fugienda: ut, bonum
est ex virtute vivere; nolle mortales iracundiam seruare
immortalem. Duplex autem est sententia; una, quae sim-
plex dicitur; altera, quae habet rationem adiunctam, &
illam quidem aut implicitā, aut explicitam: si habet ex-
plicitā, appellatur proprio nomine, pars enthymematis; si
implicitam, sententia enthymematica. His verbis, usum
esse memini Aristotelem. Simplex sententia est illa: Bo-
na est religio Christiana. pars enthymematis est: non est
gaudendum ob mortem inimici, quia poterat conuertere
ad Dominum; ratio, cur non sit gaudendum, est, quia
fortassis melior effectus, Deo seruire potuisset. Quam-
plurima autem sententiae, quae sunt in libro, qui inscribi-
tur Ecclesiasticus, dici possunt partes enthymematis: Nè
dixeris, peccavi, & quid mihi accidit triste? subiungit
rationem. Altissimus est enim patiens redditor: expli-
cata est ratio, quamobrè nemo debeat sperare, se posse
effugere iustitiam Dei; ergò non est peccandum. Enthy-
mematica sententia est: nè contendas cum viro locu-
plete; ac si diceret; Prouocatus homo diues, litigat, ac
perturbat proximum, ergò noli contendere cum viro
locuplete. Sacra litera abundant sententijs, quae suo
loco collocandæ sunt, nec inculcandæ, vt ostentatio-
nis suspicio vitetur, & nè copia satietatem pariat ani-
mus, vt plerunque solent, firmis etiam corporibus, cibi
nimium